

Gou Dwg “Bouxmaezsaw”

贵港市覃塘区蒙公镇高占小学四年级 Leiz Yaujdungh/雷晓东



Hai, daihgya ndei! Gou bi neix ndaej 10 bi lo. Gou gig gyaiez yawjsaw, daj gou rox saeh hwnj, moix bi ngoenzseng, gou aeu gijlaex cungj dwg bonjsaw, seizneix, ndaw rug gou coq miz haujlai bonj saw lo. Miz siujsoz dinj, sei swz gaeuq, dungzva, 《Cib

Fanh Aen Vih Gijmaz》、saw gohbuj daengj. Gou baez ndaejhoengq couh con haeuj ndaw rug bae mizfeih cubcub dwk yawj saw. Ndigah, daihgya cungj heuh gou guh “bouxmaezsaw”. Gou dwg bouxmaezsaw, hoeng mbouj dwg bouxlwnqsaw o!

Geiq ndaej sujgyaj ngoenz ndeu gyanghaet, gou cingq youq ndaw rug haeujsim lili dwk yawj saw, daxmeh cingq youq laeng ranz dak buhvaq, sawqmwh de hemqlanglang hwnjdaeu: “Aiyo, in yaek dai lo!” Gou sikhaek buet okbae yawj, cij raen gwnz gen daxmeh maj miz aen nwnj youh hung youh hoengz ndeu. Yienzlaiz, daxmeh deng duz dinzhenj ndat lo, in ndaej hanh lae raemxda ndik lo, de gag gangj gag naeuz: “Baez neix baenzlawz guh cij ndei ne? Haet neix nyangz deng fangz lo. Caen boihseiz ha.” Gou sawqmwh siengj daengz, youq gwnz bonjsaw gohbuj gangj gvaq, deng duzrwi duzdinz ndat le, aeu raemxgenj swiq ndaej yw in. Gou lienzmuengz beng daxmeh ma ndaw ranz dajcaemx,

aeu raemxgenj bang de swiq gij sieng, gvaq yaep ndeu, daxmeh riu lo, rub gyaiej gou naeuz: “Mbouj in lo, mwngz caen dwg daeglwg roxsoq youh coengmingz ndeu ha!” Gou dingq le, ndaw sim diemzsis. Sim siengj: Caeklaiq gou bingzseiz yawj saw lai, bonjsaw hawj gou rox cihsiz iq ndaw swngghoz, seizneix miz yungh lo, ndaej bang daxmeh cawz gij in bae lo.

Gou gyaiez yawj saw, neix mboujdan hawj gou raen sim’ angq, lij ndaej daezsang gij suijbingz raiz faenzcieng gou dem. Lauxsae gingciengz dawz cozwvwnz gou daeuj doeg hawj daengx ban doengzhag dingq, lij gujli gou yungh Sawcuengh sij, ndaej fat haujlai bien hwnj bauqcej gvaq lo, daihgya haenah gou guh “bouxcozgyah iq” ne!

Bonjsaw dwg mbaeklae hawj vunz doxhwnj. Cihsiz ndaej gajbienq aen mingh. Gou aeu yawj saw baenz ciuh, ciengxlwenx guh “bouxmaezsaw” ndeu.

(bouxlauxsae son’ gyauq: Cuh Veimingz/朱卫明)

Gangjgangj Gou Swhgeij

上林县大丰镇中心学校四(2)班 Dwng Cwngzvwngz/邓程文

Dahnyez byoem raezrangrang ndaemndwkndwk、lwgd a iquetet、naj lemqliq haenx dwg bouxlwz? Mbouj yungh gangj, couhdwg gou.

Gou dwg dahnyez gyaiez diuqfoux ndeu. Youq gwnz daizheiq, yinhyoz yiengj hwnjdaeu seiz, gou roxnyinh swheij daengx ndang hix diuq hwnjdaeu, dungcoz riengjret, neix gou raen daengz mbouj itbuen, gou raen vuenyungz gyaunde. Haha, yienznaeuz gou youq gwnz daizheiq diuq yatyat, hoeng youq bingzciengz gou gig mbeisuij, danhseih gou gamj swheij gag ninz lo. Miz baez ndeu, gou gag ninz, aenvih gwn raemx lai di lo, byonghhwnz deng bae veiswngghen. Baez hai daeng, couh yawjraen duz non gig hung ndeu, youq henz haiz gou ninz ndaek. Gou gig lau, daj mbiengj wng roengz, veiswngghen hix mbouj gamj haeuj lo, couh vaiq bae heuh daxmeh. Daxmeh sikhaek byaij gvaqdaeu, baez laeh duznon, duznon couh mbin bae lo, yienghneix gou cij gamj ninz lo.

Haha, yienznaeuz gou youq gwnz daizheiq diuq yatyat, hoeng youq bingzciengz gou gig mbeisuij, danhseih gou gamj swheij gag ninz lo. Miz baez ndeu, gou gag ninz, aenvih gwn raemx lai di lo, byonghhwnz deng bae veiswngghen. Baez hai daeng, couh yawjraen duz non gig hung ndeu, youq henz haiz gou ninz ndaek. Gou gig lau, daj mbiengj wng roengz, veiswngghen hix mbouj gamj haeuj lo, couh vaiq bae heuh daxmeh. Daxmeh sikhaek byaij gvaqdaeu, baez laeh duznon, duznon couh mbin bae lo, yienghneix gou cij gamj ninz lo.


Gou gig maij hagsib, daegbied gyaiez yawj saw. Beijgangj《Gij Gyauyuz Gyaiez》《Gojgaeq Cwngzyij》……

gijmaz saw gou cungj gyaiez yawj. Dangyienz, gou cei gyaiez yawj bonj saw ndeu dwg《Danghnaeuz Hawj Gou Sam Ngoenz Rongh》. Bonjsaw neix dwg gangj “gou” gvaq ndwenngoenz mbouj miz rongh, mbouj miz sing, mbouj miz vah, cingq dwg boux mengz、nuk、ngoemx yienghneix ndeu, mbeilau mbouj lau hojnanh, cau’ ok gij geizheih siengj mbouj daengz. De couhdwg ——Haijlunz·Gaijlwz.

Miz baez ndeu, dahgux soengq bonj saw ndeu hawj gou heuhguh《Lajhaij Song Fanh Leix》. Gou angq raixcaix, couh siengj gaemz heiq ndeu yawj sat. Gou baez yawj saw couh lumz seizgan, lumz gwn haeux. Cigdaengz daxbuz heuh gou gwn haeux, gou cij rox seizgan gvaq ndaej caen vaiq, ngeuxgyaeuj “o” sing ndeu, lij sij mbouj ndaej cuengq saw roengz laeuz gwn haeux.

Neix couhdwg gou, boux gyaiez yawj saw youh gyaiez diuqfoux ndeu, boux haengqrengz baenaj aeu lai ndei ndeu. Mwngz nyienh caeuq gou gyau baengzyoux lwi?

(bouxlauxsae son’ gyauq: Mungz Cwngzgen/蒙建成)



Gingqda

Haetromh, gou caeuq daxboh bae gwnz bya gip lwgge.

Doiqnaj miz boux bohlungz damengz ndeu byaij gvaqdaeu, aeu geu faexdwngx ndaw fwngz de diemj ga roen baijnaj mbouj dingz mbouj duenh——ga roeni gwnz bya ngutngut ngeungeu gumzgumz gamzgamz ne, de byaij numq dangqmaz, dwgrengz lai.

——Boh ha, aeu fouq gingqda mwngz soengq hawj bohlungz neix vei, mwngz youq ndaw ranz lij miz fouq gingqda ndeu dem bw.

Hoeng boh naeuz, bohlungz damengz gvaq, dawz gingqda hix yawj mbouj raen lo.

——Boh ha, lwgd mwngz yawj doxgaiq mbouj singj, dawz gingqda liux cix yawj ndaej singj. Nanzdauh, damengz le, hix mbouj miz gijmaz gingqda dawz le yawj ndaej raen doxgaiq ma?

Boh naeuz, seizneix lij caengz miz.

——Vihmaz seizneix mbouj miz vunz guh cungj gingqda de ne? ——

Boh ha, caj gou majhung le, gou yaek guh cungj gingqda de, baenz lwi?

Boh mbouj guhsing nauq, gag riu ndwi.

——Mwngz mbouj saenq ha?

Boh ha, gou mbouj gangjyaeuh bw, caj gou majhung le, gou haengjdingh guh cungj gingqda de.

Hawj bouxdamengz cungj dawz gij gingqda gou guh haenx;

Hawj bouxdamengz cungj lumj gou nei yawj ndaej raen doxgaiq;

Yawj ndaej raen gwnzmbwn heunaunau gyaie’ gyanggyang, goengq bya sangngaungau;

Yawj ndaej raen vengqfwj hausaksak mbinfiufiu, nditndat ronghsagsag;

Yawj ndaej raen duzdoengz、ndaundeiq caeuq ronghndwen gyanghaemh;

Yawj ndaej raen ndokva gyaunde, haeuxgok ndaw doenghnaz henjrwkrwk;

Yawj ndaej raen bohmeih riunyumnyum;

Yawj ndaej raen lwg ndanggaeuq gyaunde lai……

(Daj《Bonjsei Sim Lwngnyez》(Veiz Gizlinz raiz) senj okdaeu, Lwgfwnzgmeh/卢奋长 hoiz)

